

堯山堂外紀

堯山堂外紀卷二

晉陵蔣仲舒編

列國

甯戚

字式人休不休人卧不卧學十五歲為齊威公師嘗祝公曰使公無忘在莒管

子無忘在魯
戚無忘車下

甯戚欲干齊桓公困窮無以自達乃將任車商齊
莫宿郭門外公郊迎客夜開門辟任車爇火甚
衆戚飯牛車下擊牛角歌曰南山矸白石爛生

不逢堯與舜。禪短布單衣。適至胥。從昏飯牛。薄
夜半長夜。漫漫何時旦。又歌曰。滄浪之水白石
粲。中有鯉魚長尺半。繫布單衣。裁至胥。清朝飯
牛。至夜半。黃犢上阪且休息。吾將捨汝相齊國。
又歌曰。出東門。兮厲石斑。上有松柏青且闌。麤
布衣兮縕縷。時不遇兮堯舜主。牛兮努力食細
草。大臣在爾側。吾當與爾適楚國。公聞之撫其
手曰。異哉。非常人也。命後車載之。因授以政。

齊桓公使管仲求甯戚戚應之曰浩浩乎。儵儵乎。
管子不解歸而不怡有少妾問焉仲曰非而與
知也妾曰母少少母賤賤仲以語之妾曰甯子
殆欲室乎古有白水詩云浩浩白水儵儵之魚
君來召我。我將安居。國家未立。從我烏如。浩浩
者水。育育者魚。未有室家。而召我安居。
人皆得配偶以居其室戚有
玩儻之思故陳此詩見意

百里奚

字凡伯楚人奚亡出居百里因氏今
南陽府城西有百里奚宅宅旁有墓

呼七
星塚

百里奚少貧流落不偶欲出游以干諸國其妻以
門關烹母雞餞之久而不歸其妻無以自給乃
西入秦為潸婦遂與奚相失及晉虜奚以為秦
穆公夫人媵奚亡走宛公以五羖羊皮贖為相
號五羖大夫其妻在秦知之而未敢言一日奚
坐堂上樂作所賃潸婦自言知音因援琴撫絃
而歌者三其一曰百里奚五羊皮憶昔時烹伏

雌炊糜糜今日富貴忘我為其二曰百里奚初娶我時五羊皮臨當相別時烹牝雞今適富貴忘我為其三曰百里奚母已死葬南谿墳以瓦覆以柴春黃藜搯伏雞西入秦五穀皮今日富貴捐我為歌畢奚愕然問之乃其故妻遂還為夫婦

楚王軫

楚熊姓黃帝有熊氏之後至鬻熊為文王師成王封其曾孫熊繹于楚

楚昭王渡江有物大如斗直觸王舟王使人問孔

子曰此名萍實惟霸者能獲之可割而食吉祥也王食之大美孔子歸弟子請問曰吾昔遇陳聞童謡曰楚王渡江得萍實大如斗赤如自剖而食之甜如蜜此楚王之應也吾是以知之

吳王閭閻

都姑蘇飲西破強楚楚在西北故立閭門以通天氣後伐越割死葬

閭門外有白虎居冢上因號虎丘其子夫差報越敗越子夫椒今常州馬跡山是也

嘗時太上遣使齋靈寶真文授帝帝將仙封之鍾山至夏禹登位巡狩度弱水登鍾山遂得靈

寶真文禹未仙前後封之壯嶽及包山洞庭之
室吳王闔閭出遊包山見一人自言姓山名隱
居入洞庭取素書一卷呈闔閭其文不可識令
人齎問孔子孔子曰丘聞童謠云吳王出遊觀
震湖龍威丈人山隱居壯上包山入靈墟乃入
洞庭竊禹書天帝大文不可舒此文長傳百六
初若強取出垂國廬使者反白闔閭乃尊事之
闔閭墓中石銘云嗚呼吾之君王棄吾之邦遷于

重岡維岡之陽吾王之邦

夫差小女紫玉年十八有童子韓重年十九紫玉
悅之私交信問許為之妻重學于齊魯間臨去
屬其父求婚王怒不與紫玉結氣死葬閭門外
三年重歸往弔于墓紫玉從墓側形見宛頸而
歌曰南山有鳥北山有羅意欲從君讒言乳多
悲結成疾沒命黃墟命之不造寃如之何羽族
之長名為鳳凰一日失雄三年感傷雖有衆鳥

不為匹雙故見鄙姿逢君輝光身遠心通何曾
暫忘歌畢歔歔流涕要重還冢與之讌飲三日
夜盡夫婦禮臨出取徑寸明珠及崑崙玉壺與
之重詣王自說其事王大怒謂重發冢託以鬼
神趣收重紫玉忽來見跪而言曰昔諸生韓重
求玉大王不許今名毀義絕自致身亡重遠還
弔唁感其篤終輟與相見因遺以珠玉不為發
冢願勿推治夫人聞之出抱紫玉忽如烟不見

越王勾踐

吳王赦使歸國用范蠡計求得陰
峯之瑤古皇之驥湘沅之鱖又有

美女一名夷光二名修明以貢于吳吳滅
蠡乘輕舟遊五湖變姓名自歸鵠夷子皮

越王欲謀淩吳范蠡進善射者陳音音楚人也越

王請音而問曰孤聞子善射道何所生音曰臣

聞弩生于弓弓生于彈彈起于古之孝子不忍

見父母為禽獸所食故作彈以守之歌云斷竹

續竹飛土逐穴

古內字此
二言之始

勾踐將入吳與諸大夫別于江上勾踐夫人顧鳥

鵲啄江渚之蝦飛去飛來因據船慟哭而歌曰
仰飛鳥兮鳥鳶凌玄虛兮號翩集洲渚兮優恣
啄蝦矯翩兮雲間任厥性兮往還妾無罪兮負
地有何辜兮譴天風飄獨兮西往孰知返兮何
年心惓惓兮若割淚泫泫兮雙懸又歌曰彼飛
鳥兮鳶鳥已迴翔兮翕蘇心在專兮素蝦何居
食兮江湖徊復翔兮游颺去復返兮於乎始事
君兮去家終我命兮君都終未遇兮何辜離我

國兮去吳妻衣褐兮為婢夫去冕兮為奴歲遙
遙兮難極寃悲痛兮心惻腸千結兮服膺於乎
哀兮忘食願我身兮如鳥身翱翔兮矯翼去我
國兮心遙情憤惋兮誰識王聞歌大慟謂夫人
曰孤何憂吾之六嗣備矣遂入吳共稱臣妻焉
越王自吳還國乃苦身焦思懸膽于戶出入嘗之
使國中男女入山采葛作黃絲布獻吳吳王乃
增越封賜羽毛之飾几杖諸侯之服越國大悅

采葛之婦傷越王用心之苦乃作若之何詩曰
葛不連蔓。蔡台台。我君心苦。命更之。嘗膽不苦。
其如飴。令我采葛以作絲。饑不皇食。四體疲女。
工織兮不敢遲。弱于羅兮輕罪罪。號絺素兮將
獻之。越王悅兮忘罪辜。吳王歡兮飛尺書。增封
益地。賜羽旗。几杖茵蓐。諸侯儀。群臣拜舞。天顏
舒。我王何憂能不移。越王將歸有丹鳥夾王而
飛故得入國因起望鳥臺
既增封乃使大夫種齊葛布十萬其密
九櫟文苛七救狐皮五隻報增封之禮

越王伐吳國人各送其子弟于境上作離別相去
之辭曰蹀躞摧長慙兮擢戟馭受所離不降兮
以泄我王氣蘇三軍一飛降兮所向皆殂一士
判死兮而當百夫道祐有德兮吳卒自屠雪我
王宿恥兮威振八都軍伍難更兮勢如貔貙行
行各努力兮於乎於乎

越王既滅吳霸諸侯號令于齊楚秦晉皆輔周室
秦厲公不如命勾踐乃選吳越將士西渡河以

秦人懼自引咎。越乃還軍。軍人悅樂。作河梁之
詩曰。渡河梁。今渡河梁。舉兵所伐。攻秦王。孟冬
十月。多雪霜。隆寒道路。誠難當。陳兵未濟。秦師
降。諸侯怖懼。皆恐惶。聲傳海內。威遠邦。稱伯穆
桓。齊楚莊。天下安寧。壽考長。悲去歸。今河無梁。
越俗性率朴。初與人交。有禮。封土壇。祭以犬雞。祝
曰。君乘車。我帶笠。他日相逢。下車揖。君擔簦。我
跨馬。他日相逢。為君下。

堯山堂外紀卷上

八

趙簡子軼

卽卽縣古趙國每年三月日空巷上簡子冢冢形如硯世謂硯子冢

趙簡子南擊楚渡漢津吏醉臥怒欲殺之其女娟持檝走前曰妾父聞君渡不測之水故禱江淮之神不勝杯酌沉醉至此妾願以微軀易父之命簡子遂釋不誅將渡娟攘拳操檝而請中流發激棹之歌曰升彼河兮面觀清水揚波兮杳冥冥禱求福兮醉不醒誅將加兮妾心驚罰既釋兮漬乃清妾持檝兮操其維蛟龍助兮主將

歸呼來。擢令行。勿疑。簡子大悅。比歸納為夫人。

魏文侯斯

以卜子夏田子方段干木為師段干覆姓其子隱如入關去干為段

魏文侯過段干木之閭而軾之。其僕曰：君胡為軾？曰：木賢者也。安敢不軾？其僕曰：然則君何不相之？於是文侯請以為相。木不肯受，乃致祿百萬。而時往館之。國人相與誦曰：吾君好正。段干木之敬吾君好忠。段干木之隆。

韓憑

塚在下邳。晉時王玄恭任下邳太守，好發塚，或告玄恭憑墓有一女子，近視則

亡即命發之見一棺上有金鑿銅人數百
一女可二十歲姿容若生臂有金釧斬臂
取之女
復死

韓憑為宋康王舍人妻何氏美而豔康王奪之囚
憑於獄何氏因作烏鵲歌以見志曰南山有烏
北山張羅烏自高飛羅當柰何又曰烏鵲雙飛
不樂鳳皇妻自庶人不樂君王後聞憑自殺即
陰腐其衣與王登臺自投臺下左右引衣衣不
勝手得遺書于帶中曰願以屍還韓氏合塋王

怒葬青陵臺與憑塚相望一夕梓木生一塚上
根交枝連又有鳥如鴛鴦恒棲其樹朝暮悲鳴
後人謂此禽即韓憑夫婦精魂因名為韓憑鳥
何氏又有寄憑歌曰其雨淫淫河大水深日出
當心康王以問蘇賀賀曰雨淫淫恁且思也河
水深不得往來也
日當心有死志也

羅敷秦氏女子
邯鄲人

羅敷為邑人千乘王仁妻王仁後為趙王家令羅
敷出採桑于陌上趙王登臺見而悅之因置酒

欲奪烏羅敷。善彈箏作陌上桑之歌。以自明。趙
王乃止其一解。云日出東南隅。照我秦氏樓。秦
氏有好女。自名為羅敷。羅敷善蠶桑。採我城南
隅。青絲為籠係。桂枝為籠鉤。頭上倭墮髻。耳中
明月珠。綰綺為下帟。紫綺為上襦。行者見羅敷。
下擔持髭鬚。少年見羅敷。脫帽著幘頭。耕者忘
其犁。鋤者忘其鋤。來歸相怨怒。但坐觀羅敷。其
二解云。使君從南來。五馬立踟躕。使君遣吏往。

問是誰家姝。秦氏有好女。自名為羅敷。羅敷年
幾何。二十尚不足。十五頗有餘。使君謝羅敷。寧
可共載不。羅敷前置辭。使君一何愚。使君自有
婦。羅敷自有夫。其三解云。東方千餘騎。夫婿居
上頭。何用識夫婿。白馬從驪駒。青絲繫馬尾。黃
金絡馬頭。腰中鹿盧劍。可置千萬餘。十五府小
吏。二十朝大夫。三十侍中郎。四十專城居。為人
潔白皙。鬢鬢頗有鬚。盈盈公府步。冉冉府中趨。

坐中數千人。皆言夫壻殊。

馮煖

即馮驩。孟嘗君致諸侯遊士及有罪亡人食客常數千人。煖為義卒。蒙其

力。後世以為客中翹楚。

馮煖居齊。貧乏不能自存。使人屬孟嘗君。願寄食門下。左右以君賤之。食以草具。居有頃。倚柱彈其劍。歌曰。長鋏歸來乎。食無魚。左右以告孟嘗君。曰。食之比門下之客。居有頃。復彈其劍。歌曰。長鋏歸來乎。出無車。左右皆笑之。以告孟嘗君。

曰為之駕比門下之車客於是乘其車揭其劔
過其友曰孟嘗君客我後有頃復彈其劔缺歌
曰長缺歸來乎無以為家左右皆惡之以為貪
不知足孟嘗君問知有母老乃使人給其食用
無使乏於是馮煖不復歌

趙公子勝

封平原君秦昭王遺書聞君
高義願與君為十日之飲

平原君好士食客嘗數千人孔子之玄孫子高穿
自魯適趙平原君與飲強之酒曰昔有遺諺堯

舜千鍾孔子百觚子路嗑嗑尚飲十榼古之聖
賢無不能飲吾子何辭子高曰宰聞賢聖以道
德無人未聞以飲平原君曰即如先生言則此
言何生子高曰生于嗜酒者蓋其勸勵采戲之
辭非實然也平原君欣然曰吾弗戲子無所聞
此雅言也

楚襄王橫

懷王太子宋玉者屈原
弟子仕王為大夫

赤帝女姚姬未行而卒葬于巫山之陽號曰巫山

之女楚襄王一日與宋玉遊于雲夢望高唐有
雲氣曰此何氣也玉曰此所謂朝雲也昔先王
遊高唐晝寢夢一婦人自稱是巫山之女王因
幸之去而辭曰妾在巫山之陽高丘之岨旦為
朝雲暮為行雨朝朝暮暮陽臺之下旦朝視之
果如其言故為立廟號曰朝雲

楚襄王與唐勒景差宋玉遊陽雲之臺王曰能為
寡人大言者上座王因唏曰操是太阿剝一世

流血冲天。車不可以厲。唐勒曰。壯士憤兮絕天。
維。壯斗戾兮太山夷。景差曰。校士猛毅。臯陶嘻。
大笑至今。摧杲。愚鋸牙雲。稀甚大。吐舌萬里。嚙。
一世。宋玉曰。方地為車。圓天為蓋。長劍耿耿倚。
天外。王曰。未也。并吞四夷。飲枯河海。跋越九州。
無所容止。身大四塞。愁不可長。據地盼天。迫不。
得仰。

楚襄王既令諸大夫造大言賦。賦畢。宋玉受賞。王。

曰抑未備也有能為小言賦者賜之雲夢之田
景差曰載氛埃兮乘剽塵體輕蚊翼形微蚤鱗
幸遑浮踊凌雲縱身輕由鍼孔出入羅巾飄妙
翻綿乍見乍浪唐勒曰析飛糠以為與剖粃糟
以為舟泛然投乎杯水。淡若巨海之洪流絕
納背以顧眇附蟻蠓而遨遊寧隱微以無唯原
存亡而不憂又曰館于蠅鬚宴于毫端烹風脰
切蟻肝會九族而同噉猶委餘而不殫宋玉曰

無內之中。微物漸生。比之無象。言之無名。蒙蒙
滅滅。昧昧遺形。超于太虛之域。出于未兆之庭。
纖于毫末之微。蔑陋于茸毛之方。生視之則眇
眇。望之則冥冥。離朱為之歎悶。神明不能察其
情。二子之言磊磊。皆不小何如此之為精。王曰
善。賜以雲夢之田。

楚襄王好女色。宋玉為賦以諷。曰。或謂玉為人身
體。容冶口多。微詞出。愛主人之女。入事大王臣。

身體容冶受之二親口多微詞聞之聖人臣嘗
出行僕饑馬疲正值主人門開主人翁出姬又
到市獨有主人女在女欲置臣堂上太高堂下
太卑乃更于蘭房之室止臣其中中有鳴琴焉
臣援而鼓之為幽蘭白雪之曲主人之女翳承
日之華披翠雲之袞更被白縠之單衫垂珠步
搖來排臣戶為臣炊雕胡之飯烹露葵之羹來
勸臣食以其翡翠之釵挂臣冠纓臣不忍仰視

為臣歌曰歲將暮今日已寒中心亂兮忽多言
臣復援琴鼓之為秋竹積雪之曲主人之女又
為臣歌曰內怵惕兮徂玉牀橫自陳兮君之旁
君不御兮妾誰怨日將至兮下黃泉玉曰吾寧
殺人之父孤人之子誠不忍愛主人之女王曰
止止寡人于此時亦何能已

楚襄城君始封衣翠衣帶玉鉤履縞舄立乎水上
大夫莊辛過而說曰願把君手可乎襄城君非

色不言辛遷延稱曰君不聞鄂君乎乘青翰之
舟張翠蓋會鐘鼓之音越人擁楫而歌曰今夕
何夕兮。寒洲中流。今日何日兮。得與王子同舟。
蒙羞被好兮。不訾詬耻。心幾煩而不絕兮。得知
王子。山有木兮。木有枝。心悅君兮。君不知。於是
鄂君舉繡被而覆之。裏城君乃奉手進辛。

秦皇政

虎口日角火目隆鼻鷖鳥鷹豹聲長
八尺六寸大七圍手握兵執矢名祖

龍侯生數其淫暴謂
萬萬丹朱千千桀紂

始皇祠洛水有黑頭公從河中出呼始皇曰來受
天之寶乃與群臣作歌曰洛陽之水其色蒼蒼
祠祭大澤倏忽南征洛濱醎禱色連三光

初燕太子丹質于趙與秦皇善秦皇即位丹質于
秦遇之無禮丹怒欲歸秦皇不聽謬言曰烏白
頭馬生角乃可丹仰而烏既白頭馬為生角秦
皇不得已造機發之橋欲陷丹丹過之橋為不
發比歸怨秦皇必欲報之聞衛人荊次非軻賢

使劫秦皇次。非不擇日而發。太子賓客知其事者皆白。衣冠送之。至易水上。高漸離擊筑。次非和而歌曰。風蕭蕭兮。易水寒。壯士一去兮。不復還。入秦獻督亢圖。左手把秦皇袖。右手堪其胸。秦皇曰。今日之事從子計耳。乞聽琴聲而死。乃召姬人鼓琴。琴女秦曲云。羅縠單衣。可掣而絕。三尺屏風。可超而越。鹿盧之劍。可負而拔。王從其計。遂體解。以徇次非。不解琴故。及于難後。漸

離以擊筑得幸因以筑擊殺秦皇不中死

始皇二十八年東行郡縣上泰山陽至顛立石頌
德風雨暴至休大松下因封為五松大夫後人
詠松云半依崑岫倚雲端獨上亭亭耐歲寒。二
事頗為清節累秦時曾作大夫官。

始皇三十一年九月庚子茅盈高祖濛于華山中
乘雲駕鶴白日升天先是時有巴謠歌云神仙
得者茅初成駕龍上昇入太清時下玄洲戲赤

城繼世而往在我盈帝若學之臘嘉平始皇聞
謠歌而問其故父老具對曰此仙人之謠歌勸
帝求長生之術於是始皇欣然乃有尋仙之志

因改臘曰嘉平

茅盈咸陽人得道隱句曲邦人因改句曲為茅君山時盈二弟

秉為五官大夫西河太守固為執金吾治句曲山秉治常良山盈為司命真君東嶽上卿漢平帝元壽二年也內法既融外教坦平爾乃風雨以時五禾成熟疾癘不起暴害不行父老歌曰茅山連金陵江湖據下流三神秉白霍各在一山頭佳雨濯畦稻陸田亦復周妻子保堂室使我無百憂白霍翔青天何時復來遊

秦築長城起臨洮至遼東延袤萬餘里死者相屬
民歌云生男慎勿舉生女哺用脯不見長城下
尸骸相支柱

始皇作驪山陵周迴跨陰盤縣界水背陵鄣使東
西流運大石于渭北民怨之作井泉之歌云運
石井泉口渭水不敢流千人唱萬人謳金陵餘
石大如堰是年作阿房宮以磁石為門懷刃者輒止之又起雲明臺子時興工午時
已畢謂之
子午臺

始皇既坑儒焚典遂欲發孔子墓取諸經傳先是
孔子將死遺秘書懸甕中始皇登孔子臺上牀
啓甕得丹書曰後世一男子自稱秦始皇登我
堂上我牀顛倒我衣裳至沙丘而亡怒而發塚
及達沙丘令修別路見一群小兒輦沙為阜問
云沙丘從此得病葬之日匠人作機巧者生閉
墓中孔子卒戒門人作虛墓十間及始皇發墓
至十間有兔出逐之過曲阜十八里沒掘
之不得因
名白兔溝

優旃者秦倡侏儒也嘗侍始皇立殿上秦法重非有詔不得輒移足時天寒雨甚武士被楯立庭中優旃欲救之戲曰被楯郎汝雖長雨中立我雖短殿上幸無濕始皇聞之乃令徙立廡下來不得上二世以其故止

西楚霸王籍

漢書項籍傳羽學書不成去學劍又不成去者罷弃之意本

謂學書學劍皆以不成而弃去少微江氏節其字謂學書不成去學劍又不成遂使

學者例以去學
翺為句誤甚

項王有美人名虞常幸從有駿馬名騅常騎之及
軍壁垓下諸侯兵圍之數重夜聞四面皆楚歌
廼悲歌慷慨自為詩歌數闋歌云力拔山兮氣
蓋世時不利兮騅不逝騅不逝兮可奈何虞兮
虞兮奈若何美人和云漢兵已略地四面楚歌
聲大王意氣盡賤妾何聊生項王泣數行下虞
姬乃請劍自刎

虞姬葬處生草能舞
人呼為虞美人草

齊王橫

田儋狄人也從弟田榮榮弟田橫皆豪強能得人兄弟三人更王

秦末田橫自立為齊王後居海島漢有天下召橫
至千戶鄉自到從者聞之不敢哭為挽歌歌之
云薤上朝露何易晞。露晞明朝更復落。人死一
去何時歸。又云蒿里誰家地。聚斂精魂無賢愚。
鬼伯一何相催促。人命不得少踟躕。今之挽歌自橫始武
帝時李延年分為二曲薤露送王公貴人蒿里送士大夫庶人

堯山堂外紀卷二畢

堯山堂外紀卷三

晉陵蔣仲舒編

漢

高帝邦

字季日角龍眼牛胸龜背姓卯金刀

天子鑄劍若得腰間佩刀雜治即成神器
可以克天下彛星精為輔以殲三殍太上
曰此物名七首逐解投烟焰中劍成授太
上以賜季按蕭何為彛星項羽陳勝胡亥
為三殍季又以始皇三十四年於南山得
一鉄劍長三尺小篆書銘曰赤霄及貴常
服之此即斬
白蛇之劍也

高帝母媼嘗息大澤之陂夢與神遇是時雷電晦
冥父太公往視則見交龍於上已有娠遂產帝
帝命驗曰賊起蚩尤生虎賊起蚩尤始立也外

劉字之別始皇立而劉生

太公名媼
字執嘉

高帝七年自將兵三十萬擊韓王信帝先至平城
步兵未盡到冒頓縱精兵三十餘萬圍帝於白
登七日漢兵中外不得救餉樊噲時為上將軍
不能解圍天下皆歌之曰平城之下亦誠苦七

日不食不能穀。弩後用陳平秘計得免。

高帝十二年帝自擊黔布還過沛留置酒沛宮悉召故人父老子弟佐酒發沛中兒得百二十人教之歌酒酣帝擊筑自歌曰大風起兮雲飛揚。威加海內兮歸故鄉。安得猛士兮守四方。令兒皆和習之。帝乃起舞忼慷傷懷泣數行下。

四皓者皆河內軹人。一曰東園公。二曰角里先生。三曰綺里季。四曰夏黃公。秦時政虐乃退而作

歌曰莫莫高山。溪谷逶迤。曄曄紫芝。可以療饑。
唐虞世遠。吾將何歸。駟馬高蓋。其憂甚大。富貴
之畏人。不如貧賤之肆志。因共入商雒。隱地肺
山。及秦敗高帝。屢徵之。不至。後帝欲廢太子。立
戚夫人子趙王如意。呂后用留侯計。幣召四皓。
同太子入朝。帝大驚。指示戚姬曰。我欲易之。彼
四人為之輔羽翼。已成。難動搖矣。姬涕泣上曰。
汝為我楚舞。吾為若楚歌。歌曰。鴻鵠高飛兮。一

舉千里羽翼已就。今橫絕四海。橫絕四海。今當
可奈何。雖有繒繳。今尚安所施。歌闕。罷酒。竟不
易太子。

戚夫人即定陶戚姬也。高帝寵之。特與同臨宮中。
百子池生趙隱王。如意。惠帝立。呂后為皇太后。
廼令永巷囚戚夫人。髡鉗衣赭。衣令春。戚夫人
春且歌曰。子為王。母為虜。終日春薄暮。常與死
為伍。相離三千里。當誰使告汝。太后聞之大怒。

曰乃欲倚女子邪召趙王鳩之戚夫人遂有人
疑之禍

趙幽王友高帝諸姬子也初封淮陽王呂后殺趙
王如意徒友為趙王友以諸呂女為后不愛愛
它姬諸呂女讒於太后太后怒召趙王置邸令
衛圍守之趙王餓乃作歌遂幽死其歌曰諸呂
用事兮劉氏微迫脇王侯兮疆授我妃我妃既
妬兮誣我以惡讒女亂國兮上曾不寤我無忠

臣兮何故弃國。自決中野兮。蒼天與直。于嗟不
可悔兮。寧早自賊。為王餓死兮。誰者憐之。呂氏
絕理兮。託天報仇。

張良

天駟房星之神曰王良故字子房堯時有五
星自天而竇一是土之精墜穀城

山下其精化為北橋老人以兵書授子房
佐漢功成求於穀城山下得黃石焉子房
解形於世其家葬其衣冠與黃石占者常
見墓上黃氣高數十丈赤眉之亂人發其
墓但見黃石
枕化而飛去

漢初有四五小兒路上羣戲一兒歌云着青裙入

天門揖金母拜木公時人皆不識唯張子房知之乃往拜焉曰此乃東王公之玉童也仙人得道昇天當揖金母而拜木公自非冲虛登真之子莫知其津木公亦云東王父亦云東王公張子房隱商山與四皓為雲外之友定太子時有應曜者隱於淮陽山中與四皓俱徵曜獨不至時人語曰商山四皓不如淮陽一老。

留侯有尼父贊曰巖巖孔聖異代稱傑量合乾坤。

明參日月。

張讚留侯七世孫也。初居吳縣相人里。時人諺曰：相里張多賢良，積善應子孫昌。

夏侯嬰

為沛廐司御，每送客還過高帝，語未嘗不移日。嘗為滕令，故號滕公。及魯

孫頗尚主，主隨外家孫蹄孫公，故滕公子孫重為孫氏。

夏侯嬰薨，求葬東都門外公卿送喪，駟馬不行，踣地悲鳴，使人掘馬蹄下，得石槨，其銘曰：佳城鬱鬱，三千年見白日。於噫，滕公居此室，乃葬斯地。

謂之馬冢

淮南厲王長

高帝第四子也子安襲封淮南王著書號曰鴻烈以父諱長所

著諸長字
皆曰修

厲王長母趙氏女為趙王張敖美人高帝討韓信
還過趙趙王獻美女趙氏女得幸有身趙王不
敢內之於宮為築舍於外及貫高等謀反發覺
并逮治王趙美人亦坐繫吏以其得幸有身聞
上上方怒趙王未理美人弟兼因辟陽侯審食

其言之呂后呂后妬弗肯白及美人生男恚而
自殺吏奉男詣上上悔之封以為淮南王王蚤
失母附呂后而常怨食其以為不強爭之使其
母恨而死文帝即位王驕蹇不奉法三年入朝
往見食其自袖鐵椎椎殺之馳走闕下肉袒謝
罪上傷其志為親赦弗治還歸國益驕廼命載
以輜車處蜀嚴道邛郵長不食而死民作歌曰
一尺繒好童童一升粟飽蓬蓬兄弟二人不能

相容帝聞之。廼追尊淮南王為厲王。置園如諸侯儀。

淮南王安好道書及方術之士。正月上辛有八老公詣門求見。鬚眉皆皓白。王使閹人自以其老難問之。八公乃更形為童子。年可十四五。角髻青絲。色如桃花。王聞跣而迎。登思仙之臺。盛禮設樂以享八公。援琴而絃。歌曰。煌煌上天。照下土兮。知我好道。公來下兮。公將與予。生毛羽兮。

起騰青雲。蹈梁甫兮。觀見瑤光。過北斗兮。馳乘
風雲。使玉女兮。含精吐氣。嚼芝草兮。悠悠將將。
天相保兮。歌闕八童子。乃復為老人。告王曰。吾
一人能望致風雨。立起雲霧。畫地為江河。撮土
為山嶽。一人能崩高山。塞深泉。收虎豹。召致蛟
龍。使役鬼神。一人能分形易貌。坐存立。隱蔽大
軍。白日為暝。一人能乘雲步虛。越海凌波。出入
無間。呼吸千里。一人能入火不灼。入水不濡。別

射不中冬凍不寒夏曝不汗一人能千變萬化
恣意所為禽獸草木萬物立成移山駐流行宮
易室一人能煎泥成金凝鉛為銀駕龍浮於太
清之上安乃日夕朝拜各試所言種種異術無
有不效遂授王丹經三十六卷藥成未及服而
郎中雷被與伍被共誣稱安謀反天子使宗正
持節治之八公謂安曰可以去矣此乃是天之
發遣王王若無此事日復一日未能去世也八

公使安登山大祭埋金於地卽白日昇天時人
傳八公安臨去時餘藥置在中庭雞犬舐之盡
得昇天故雞鳴天上犬吠雲中云

伍被楚人以才學為淮南

中郎是時淮南養士數千人高材者有八曰蘇非李尚左吳田由雷被伍被毛被進昌號曰八公而伍被為冠首按雷被伍被並在八公之列乃誣失反者欲引與俱去耳

淮南王安既與八公相攜俱去莫知所往淮南小
山之徒思戀不已乃作淮南王曲云淮南王自
言尊百尺高樓與天連後園鑿井銀作牀金瓶

素井汲寒漿。汲寒漿。飲少年。少年窈窕何能賢。
揚聲悲歌音絕天。我欲渡河河無梁。願化雙黃
鵠。還故鄉。還故鄉。入故里。徘徊故鄉苦身不已。
繁舞寄聲無不泰。徘徊桑梓遊天下。

梁孝王武

文帝第二子。初封代王。用賈誼策。徙王梁。廣睢陽城。七十里。大治宮

室。作曜華宮。築兔園。園中有百靈山。有膚
寸石。落猿巖。栖龍岫。又有鴈池。池間有鵝
洲。鳬渚。為複道。自宮連屬於平臺。三十餘
里。平臺亦名吹臺。後有繁氏居。其側里人
呼為繁臺。

六孝王遊忘憂館集諸遊士各使爲賦枚乘賦柳
路喬如賦鶴公孫詭賦文鹿鄒陽賦酒公孫乘
賦月羊勝賦屏風韓安國作几賦不成鄒陽代
作陽安國罰酒三升賜乘喬如絹人五疋乘柳
賦云忘憂之館垂條之木枝遶遲而含紫葉萋
萋而吐綠出入風雲去來羽族旣上下而好音
黃衣而絳足蜩蟬厲響蜘蛛吐絲階草漠漠白
日遲遲干嗟細柳流乳輕絲君王淵穆其度御

羣英而翫之。小臣瞽瞍。與此陳詞。于嗟樂兮。於
是罇盈。縹玉之酒。爵獻金漿之醪。庶羞千族。盈
滿六庖。弱絲清管。與風霜而共雕。鎗鎗秋唧。蕭
條寂寥。雋又英旄。列襟聯袍。小臣莫効於鴻毛。
空銜鮮而嗽醪。雖復河清海竭。終無增景於邊
撩。喬如鶴賦云。白鳥朱冠。鼓翼池干。舉修距而
躍躍。奮皓翅之戢戢。宛修頸而顧步。啄沙磧而
相惟。豈忘赤霄之上。忽池籩而盤桓。飲清流而

未步。故知野禽野性。未脫籠樊。賴吾王之廣愛。
雖禽鳥。今抱恩。方騰驤而鳴舞。憑朱檻而為歡。
公孫月賦云。月出皦兮。君子之光。鵲鷄舞於蘭
渚。蟋蟀鳴於西堂。君有禮樂。我有衣裳。倚嗟明
月。當心而出。隱員巖而以鈎。蔽修堞而分鏡。既
少進以增輝。遂臨庭而高映。炎日匪明。皓壁非
淨。躔度運行。陰陽以正。文林辯囿。小臣不佞。羊
勝屏風賦云。屏風韜匠。蔽我君王。重葩累繡。杏

壁連璋。飾以文錦。映以流黃。畫以古烈。顯顯昂昂。暮后宜之。壽考無疆。

蘇耽

桂陽人。文帝時得道。少以至孝。著稱。母食欲得魚羹。耽出湖州市買。去家一千四百里。俄頃便返。耽叔父為州吏。於市見耽。因書還家。家人大驚。既而辭母仙去。預為植橘。鑿井。及郡人大疫。但食一橘。葉飲一泉水。即愈。

蘇仙公一日白母道果已圓升舉有日忽有數十白鶴降於門遂昇雲漢而去後一鶴降郡屋郡僚子弟彈之鶴以爪攫樓板若書字焉其辭曰

紅原一別重來事。非甲子不記陵谷遷移。白骨
蔽野。青山舊時。翹足高屋。下見羣兒。我是蘇仙
彈我何為翻身雲外。却返吾居。

丁令威

遼東人遼東諸丁譜載
令威漢初學道得仙

丁令威少隨師學得仙。道分身任意所欲。遼東城
門有華表柱。令威常整歸化為白鶴。集柱頭時
有少年舉弓欲射之。鶴乃飛徘徊空中而言曰
有鳥有鳥。丁令威。去家千歲今來歸。城郭如故。

人民非。何不學仙離塚壘。言畢遂高上冲天。

陶安公

陶安公六安鑄冶師也。數行火火。一旦散上行紫
色衝天安公伏冶下求哀。須臾朱雀止冶上曰。
安公安公。冶與天通。七月七日迎汝。以赤龍至
期。赤龍到大雨而安公騎之東南上。

竇玄

竇玄狀貌絕異。天子使出其妻妻以公主。妻悲怨。

寄書云弃妻斥女。歌白實生卑賤鄙陋。不如貴
人。妻日以遠。彼日以親。何所控訴。仰呼蒼旻。悲
哉實生。衣不厭新。人不厭故。悲不可忍。怨不可
去。彼獨何人。而居斯處。又歌云。玼玼白兔。東走
西顧。衣不如新。人不如故。時人憐而傳之。亦名
豔歌。